

scrobes antennarum ducenda posita, loris haud buccatis, angulo faciali recto, gula brevi, suberecta, genis (feminae) sat humilibus. Oculi laeves, sat prominentes, feminae in genas sat longe extensi, orbita interiore late sinuati. Rostrum apicem coxarum intermediarum attingens, articulo primo medium xyphi prosterni subsuperante. Antennae fere in medio altitudinis capitis ad orbitam anteriorem oculorum insertae, articulo primo glabro capiti ob antico viso aequae longo, reliquis omnium brevissime et tenuissime pubescentibus, secundo primo magis quam duplo longiore et margine pronoti basali paullo brevior, apicem versus sensim crassior, tertio basi secundi aequae crasso, secundo circiter $\frac{3}{7}$ brevior et quarto longior. Pronotum latitudine basali circiter $\frac{1}{3}$ brevius, basi quam apice paullo magis quam duplo latius, lateribus obsolete sinuatis, margine basali toto aequaliter arcuato, disco usque ad apicem aequaliter convexo-declivi, callis vix distingvendis, strictura apicali omnium tenuissima. Scutellum horizontale, planum, basi a limbo pronoti oblecto. Hemielytra parallela, basi pronoti aequae lata, cuneo leviter declivi, latitudine basali longior. Membrana angulo apicali interiore areolae majoris rectangulari. Xyphus prosterni marginatus. Mesosternum apicem versus sensim paullo altius. Orificia metastethii alte et crasse marginata. Coxae anticae medium mesosterni sat longe superantes. Femora postica reliquis sat multo longiora et crassiora, fere ut in genere *Megacoelum* Fieb. incrassata, omnium tenuissime parce pubescentia, inferne setis nonnullis tenuibus. Tibiae spinulis crassitie tibiae brevioribus, retrorsum vergentibus. Tarsi articulo secundo primo parum longior et tertio distincte brevior. Ungvuli fortiter arcuati.

20. *Calocorisca aeneoinduta* n. sp. (Fig. 9).

Superne obscure fusca, ubique pube brevissima virescenti-cuprea vel aenea tecta, hemielytris maculis nudis variegata, membrana fusca, glabra, fortiter rugosa et strigosa; inferne fusca, pectore pallide flavicanti-variegato, ventre longe pallido-pubescente; antennis articulo primo glabro, fusco, capite paullo brevior, secundo primo vix duplo et dimidio longior margi-